

بولی، سماج تے مذہب

بولی کسے وی سماج یا وسیب دی اکھ ہوندی اے جیہدے راہیں اسیں اوس سماج اندر جھاتی پا کے ڈونگی نظر نال اوس سماج دے ہر انگ رنگ نوں ویکھتے سمجھ سکدے ہاں۔ بولی دے عالمی دن تے آج دی جہاں دی محفل اس گل دا ثبوت اے کہ ساہیوال جے علاقے وچ قسور بٹ تے ایہناں دی تنظیم پنجاب لوک لہر بولی دی اکھ راہیں سماج نوں ویکھن دا تحقیقی / کھوج دا کم کردے پئے نیں۔ بولی کسے وسیب وچ رشتیاں دی پہچان، لباس، موسیقی، رویے تے اوتھے دیاں ہوکاں تے کوکاں دی گہرائی دا وی پیمانہ ہوندی اے۔ مینوں ایس تے ڈاڈھامان اے جو میں پنجاب دے اس خطے نال گوڑھا رشتہ رکھنا واں۔ جیہڑا انسانی نسلاں دی کئی لکھاں سالوں دی تہذیب تے تاریخ دا پتہ دیندا اے۔

بولی دا مذہب نال رشتہ ایساں ای پرانا اے جتا انسان تے اوہدی سماجی زندگی دا سفر اے۔ بولی کسے وی مذہب رب رحمان دی پہچان، موت تے زندگی دا ویروا، اگلا جہاں کیہ اے رازق دی رزاقی، ربوبیت دا نظام، بھک ننگ دا کون ذمہ دار اے تے ظالم مظلوم دی پہچان دسدی اے۔ دُنیا وچ مذہباں دی توارت وچول جھاتی پاوتے تہانوں نظریں آوے گا جو ہر مذہب دے نبی دے شریعت اوس دی اُمت دی ماں بولی وچ نازل ہوئی جے سوہنے رب نوں صرف عربی پسند ہوندی تے پہلاں نبیاں دی شریعت وی عربی وچ ای ہوندی۔

اک گل تے غور کرو جے رب نوں موسیقی پسند نہ ہوندی تے حضرت داؤد دی پوری شریعت وچ موسیقی، خوش الحانی نوں مرکزی حیثیت نہ ملدی۔ رب سوہنے دے کیہڑے روپ نوں کسے سماج وچ کنج فروغ دینا اے۔ ایہدا دار و مدار اس سماج دیاں بولی تے معاش دا فیصلہ کرن والیاں طاقتاں تے ہوندا اے۔ رب نوں قہار بنا کے پیش کرنا ایس یا غفار بنا کے پیش کرنا ایس۔ رب محبتاں تے امن والے سماج نوں پسند کردا اے یا دھکے زوری دی سوچ رکھن والیاں نوں گلے / سینیاں تے بند و قاتاں چلاون دا حکم دیندا اے۔

ساڈے پاکستان دے دیہاتی تے شہری سماج وچ بولی دے استعمال نال مذہب تے سوچاں دے انگ وی بدلے ہوئے نظر آندے نیں۔ پاکستان دا وجود تے ترقی اس وچ بولی جاون والیاں بولیاں تے اہدے ودھاناں جڑیا ہو یا اے۔

بولی سماج وچ مذہب دی گل نوں اپنی گہرائی دے نال اگے ودھاندی اے۔ دنیا وچ جیہڑی بولی صرف بولن تک رہ جاوے اوہ فیرویلے دے نال ختم ہو جاندی اے۔ سوہنے رب دی میرا اے دعویٰ اے کہ جیہڑے بیلے ایہہ سمجھدے نیں کہ پنجابی لکھن، پڑھن دی لوڑ کوئی نہیں بولی صرف بولن تک ہونی چاہئے دی اوہ اپنے وسیب نال مخلص نیں۔ پنجابی زبان نوں سماج تے مذہب دے ہر پہلو وچ ترقی دین لئی بہت زیادہ شعوری کوشش دی لوڑ اے۔ ایہدے واسطے صوفیاں، بزرگاں دے سچے کلام نوں سماج دی سمجھ کاری لئی استعمال کیتا جاسکدا اے۔ میرے خیال وچ بولی صرف گلے چوں نکلن والیاں آوازاں ای نہیں بلکہ ایہدے نال قوماں دی تاریخ، سماج تے مذہب دے گھنڈی کھولی جاسکدی اے۔ کسے دکھی دی گوک تے سب بولیاں والے سن سکدے نیں پر میرے جے پنجابی دی پنجاب دی بولی بارے ہوک نوں صرف اوہ دردی ای سمجھ سکدا اے جیہڑا پنجاب وسیب دی ماں بولی پنجابی نال مخلص اے جویں قسور بٹ تے اوہدے سجن بیلے جہاں نیں آج دی ایس سنگت نوں آپدے اُدھماں بھرے جذبیاں نال شنگاریا اے۔

مینوں لوکاں نیں آکھیا کئی واریں توں لینا پنجابی دا ناں چھڈ دے

مینوں آج لگا لوکس آکھدے نیں توں سوہنیا اپنی ماں چھڈ دے

